

इवनिंग डोगरी न्यूज़ बुलेटिन

समे .18:15 Hrs

Headlines

- राश्ट्री जांच एजेंसी-एनआईए नै पहलगाम च 26 बेदोसे सैलानियें दी हत्तेआ च शामिल आतंकवादियें गी आसरमा देने आहले 2 दोषियें गी गिरफ्तार कीता ऐ।
- उत्तरी कश्मीर दे हंदवाड़ा च पुलसै पाकिस्तान दे नजैज कब्जे आहले जम्मू-कश्मीर थमां आतंकवादी गतिविधियें गी अंजाम देआ'रदे 2 मकामी जनें दी संपत्ति गी जब्त कीता ऐ।
- सेनाध्यक्ष जनरल उपेंद्र द्विवेदी होरें औंदी श्री अमरनाथ जी दी जात्तरा दे मद्देनजर कश्मीर घाटी च सुरक्षा तंत्र दा व्यापक जायजा लैता।
- ट्रांसपोर्ट मंत्री सतीश शर्मा होरें आखेआ जे जम्मू-कश्मीर च पर्यावरण सरबंधी सुधार आहनने लेई सब्बै मुतल्लका धड़ें गी किट्टे रलियै कम्म करने दी लोड़ ऐ।
- ते मौसम विभाग नै जम्मू-कश्मीर च अगले 2 दिनें दौरान किश थाहरें पर रूकी-रूकियै बरखा बरने दी पेशगोई कीती ऐ।

<><><><><><>

NIA-Arrests

राश्ट्री जांच एजेंसी - एनआईए नै पहलगाम च 26 बेदोसे सैलानियें दी हत्तेआ च शामिल आतंकवादिगं गी आसरमा देने आहले द'उं दोषियें गी गिरफ्तार कीता ऐ। इ'दी पन्छान बटकोट दे परवेज़ अहमद ते हिल पार्क पहलगाम दे बशीर अहमद दे तौर पर कीती गई ऐ। इ'दें दौनें दोषियें, बुजदिलाना पहलगाम आतंकी हमले गी अंजाम देने आहले आतंकवादिगं दी पन्छान बी कराई दिती ऐ ते इ'नें इब्बी दस्सेआ ऐ जे पहलगाम आतंकी हमले

च शामिल त्रवै आतंकवादी, पाकिस्तानी हे जेहडे लशकरे तैयबा गुट लेई कम्म करदे ना। इनें दौनें दोषिणं दी गिरफ्तारी गी पहलगाम आतंकी हमले दी जांच च बड़ा महत्वपूर्ण मन्नेआ जा'रदा ऐ।

<><><><><><>

Properties-Attached

आतंकवाद ते राष्ट्र बिरोधी तत्वें खलाफ इक्क महत्वै आहली कार्रवाई करदे होई कुपवाड़ा जिला तैहत मकामी पुलिस नै मोनबल हंदवाड़ा दे 2 जनें दियां अचल संपत्तियें गी जब्त कीता ऐ। एह दौनें लम्में चिरे सवां आतंकवाद कन्नै सरबंधत इक्क बकाया मामले च आरोपी ना। जिनें आरोपियें दिएं संपत्तियें गी जब्त कीता गेआ ऐ, उंदे च मोहम्मद शफी बारा पुत्र सावरिया बारा ते गुलाम मुस्तफा पुत्र अलिफउद्दीन ऐ, दौनें मोनबल हंदवाड़ा दे बसनीक दस्से जा करदे ना। एह दौनें घुसपैठ करियै पाकिस्तान चली गे हे ते अदूं थमां गै आतंकवाद गी बढावा देने, बन्ने पार थमां आतंकी गतिविधियां चलाने ते इलाके च नेके आतंकी घटनाएं गी अंजाम देने च सक्रिय तौरा पर शामिल ना।

<><><><><><>

Army Chief Kashmir Visit

सेना अध्यक्ष जनरल उपेन्द्र द्विवेदी होरे औंदी श्री अमरनाथ दी जी सलाना जात्तरा शा पैहले कश्मीर घाटी च सुरक्षा तंत्र दा तफ्सीली जायजा लैता ऐ। अपने दौरे दरान उ'नें बलें दिएं कार्रवाईएं सरबंधी तैयारिएं ते सुरक्षा सरबंधी खतरें दी समीक्षा कीती ते बलें गी आखेआ जे ओह अग्रे बी सोहगे सतर्क बने दे रौहना। सेना अध्यक्ष होरे' गी इस मौके पर टेक्नोलॉजी आधारित निगरानी ते श्रद्धालुएं दी सुरक्षा लेई तैयार कीते गेदे तुरत कार्रवाईएं सरबंधी प्रणालिएं दे बारै च बी अवगत करोआया गेआ। सेना प्रमुख हुं'दा एह दौरा होरनें सुरक्षा एजेंसिएं दे तालमेल कन्नै श्री अमरनाथ जी दी जात्तरा गी सुरक्षित ते बवस्थित ढंग्गै सिर करोआना जकीनी बनाने दी फौज दी वचनबद्धता गी दर्शादा ऐ।

<><><><><><>

SANJY

इस बरै आहली श्री अमरनाथ जी दी सालाना यात्रा गी रम्भ होने च तकरीबन 11 दिन बचे देन ते होरनें थाहरें आहला लेखा बांदीपुरा जिले दे शादीपोरा ट्रांजिट कैंप च बी तैयारियां चला करदियां ना। बांदीपोरा दे डी.सी मंजूर अहमद कादरी होरें दस्सेआ जे यात्रुएं गी दित्ती जाने आहलियें स्हूलतें गी मुकदा रूप दित्ता जा करदा ऐ। कैंप दे अंदर बाहर ते आले दोआले सी.सी.टीवी निगरानी बदाई दित्ती गई ऐ। इस बारै जानकारी दिंदे होई बांदीपोरा दे डी.सी मंजूर अहमद कादरी होरें आखेआ।

<><><><><><>

Special-Feature

राश्ट्र सेवा सुशासन ते गरीब कल्याण दे सिद्धांतें थमां प्रेरित होइयै इक्क दाहके च टकोहदा बदलाव दर्ज कीता गेआ ऐ। आकाशवाणी समाचार तुंदे लेई पिछले 11 बरें च मुख क्षेत्रें च सरकार दियें कोश्टें पर इक्क फीचर लेइयै आया ऐ। अज्ज अस्स भारत दी उर्जा क्रांति दी गल्ल करा रदे आं जेड़ा के सुधारें, रिकार्ड क्षमता, बाद्दा ते साफ-सुथरी भरोसेमंद ते समावेशी उर्जा ताई इक्क निग्गर कोश्ट दा दाहका ऐ। पिछले इक्क दाहके दरान भारत दे उर्जा खेत्र नै बदा रदी मंग, मुख बुनियादी ढांचे दे विकास ते रिवायती सने नमीकरण उर्जा दे स्रोतें, दौनें आस्तै मजबूत नीति, समर्थन करियै बाद्दा दिक्खेआ गेआ। जून 2025 तगर देसै दी कुल स्थापित उर्जा क्षमता 476 गीगावाट तगर पुज्जी गई। शडा नमीकरण उर्जा दे 226 गीगावाट दे योगदान कन्नै भारत हून सौर उर्जा च त्री थाहर ते पवन उर्जा क्षमता च चौथी थाहरै पर ऐ। देस नै अप्रैल 2018 तगर 100 प्रतिशत ग्राएं मोहडें दा बिजलीकरण हासल करी लैता ते अदूं थमां 2.8 करोड़ शा बद्द घरें गी ग्रिड कन्नै जोड़ेआ गेआ ऐ। पी.एम सूर्य घर योजना देश भर दे घरें गी रौशन करा'रदी ऐ जिल्ले के पी.एम कुसुम योजना सौर उर्जा कन्नै चलने आहली सिंचाई रायं करसानें गी सशक्त बना करदी ऐ।

<><><><><><>

Satish Plantation Drive

पर्यावरण दे टिकाऊ विकास गी बढ़ावा देने दे मकसद कन्नै शिड़क यातायात मंत्री सतीश शर्मा होरें अज्ज हीरानगर च रूख-बूहटे लाने दा इक व्यापक अभियान रम्भ कीता। एहू अभियान जंगलात मैहकमे दे सहयोग कन्नै करोआया गेआ जेदे च बड़ी बहू गिनतरी च विद्यार्थियों, नौजवानें ते पर्यावरण दी राक्खी करने आहले सनें सरकारी मुलाजमें ते सिविल सोसायटी दे सदस्यें दी शमूलियत दिक्खने गी लब्बी। हीरानगर थमां विधायक ते होरनें मन्ने-परमन्ने दे मकामी लोक बी मौके पर उत्थे मौजूद हे। इस मौके बोलदे होई मंत्री सतीश शर्मा होरें आखेआ जे जम्मू-कश्मीर च पर्यावरण सरबन्धी सुधार आहनने दी बड़ी मती लोड़ ऐ ते हीरानगर ज्नेह इलाकें लेई बड़ा जरूरी ऐ जे सब्बै मुतल्लका धड़े किट्टे रलियै इस दिशा च कम्म करन।

<><><><><><>

Op. Sindhu

आपरेशन सिंधु तैहत तकरीबन 1117 भारतीयें गी ईरान थमां सुरक्षित वापस लेआंदा गेआ ऐ। विदेश मंत्रालय नै आखेआ ऐ जे कल राती मशाद थमां इक्क खास ज्हाज 290 भारतीयें गी लेइयै नमीं दिल्ली पुज्जा हा। कल संझा मशाद थमां गै 310 भारतीयें गी लेइयै इक होर दुआ ज्हाज दिल्ली आया हा। तोआई, नेपाल ते श्रीलंका नै आपरेशन सिंधु तैहत ईरान थमां उन्दे नागरिकें दी वापसी च मदाद ताई भारत सरकार दा धनवाद कीता।

<><><><><><>

Motivational-Lecture

नौजोआनें च अनुशासन, देशभक्ति, पक्के धेइयै दी भावना पैदा करने ते उनेंगी राष्ट्र ताई सकारात्मक योगदान देने सने तरक्की बाहे दे मौके दे तौरा पर चुनौतियों गी स्वीकार करने लेई उनेंगी प्रोत्साहित करने दे मकसद कन्नै भारतीय सेना नै प्रेरक लैक्चर दा सरिस्ता कीता। एहूदे च कर्नल योगेश चौहान सी.ओ 4 आर.आर होरें पावर प्वाइंट प्रस्तुति राएं असरदार लैक्चर दित्ता। कार्यक्रम च जम्मू यूनिवर्सिटी दे भद्रवाह कैंपस दे 250 विद्यार्थियों सने अमले नै बी शिरकत कीती। इस बारै बोलदे होई जम्मू यूनिवर्सिटी दियें 2 विद्यार्थियों नक्शिका जम्वाल ते उर्वशी शर्मा होरें आखेआ।

<><><><><><>

BGSBU

बाबा गुलाम शाह बादशाह यूनिवर्सिटी दे अर्थ शास्त्र यानि इकोनामिक्स विभाग नै अपने शैक्षणिक प्रोग्राम च नमा बी.ए कोर्स शुरू कीता ऐ। एह पैहल मैहकमे लेई इक संगेमील ऐ जेड़ा पैहले गै एम.ए ते पी.एच.डी प्रोग्राम करांदा ऐ। नमें सिरेआ शुरू कीते गेदे अंडर ग्रेजुएट कोर्स गी शैक्षणिक खेत्तर च होर मता सुधार करने दे मकसद कन्नै तैयार कीता गेआ ऐ। इस बारे होर मती जानकारी दिंदे होई मैहकमे दे इक प्रोफेसर डॉ. शौकत मीर होरें आखेआ।

<><><><><><>

Weather

हुन मौसम बारे जानकारी, मौसम विभाग नै कल ते 24 जून गी जम्मू-कश्मीर च किश थाहरें पर हल्की बरखा बरने दी पेशगोई कीती ऐ जिल्ले के 25 शा लेइयै 27 जून तगर नेकें थाहरें पर गर्जो-गर्जी कन्नै बरखा पौने दा अंदाजाना लाया गेदा ऐ। अधिकारियें मकामी लोकें गी सौहगा रौहनने ते इस मौसम दौरान पहाड़ी रस्ते पर बिजन जरूरत दी जात्तरा थमां परहेज करने दी सलाह दित्ती ऐ। मैहकमे नै यात्रुएं अगगे अपील कीती ऐ जेकर सफर करना लाजमी ऐ ते ओहू सब्बै सड़क सुरक्षा सरबंधी सावधानियें दी पालमा करना। इस सरबंधै च होर जानकारी दिंदे होई मौसम विभाग दे मोहम्मद हुसैन मीर होरें आखेआ।

<><><><><><>